



## Direktoratet for mineralforvaltning med Bergmeisteren for Svalbard

Adresseinformasjon fylles inn ved ekspedering.  
Se mottakerliste nedenfor.

Dato: 27.06.2017  
Vår ref: 14/01372-5  
Deres ref:

### Høring av søknad frå Skånevikstrand Maskinstasjon AS om driftskonsesjon for uttak av fast fjell i Lauareid næringsområde i Etne kommune

Leiv Erikssons vei 39  
Postboks 3021 Lade  
N-7441 Trondheim

**TELEFON** + 47 73 90 46 00

**E-POST** mail@dirmin.no

**WEB** www.dirmin.no

**GIRO** 7694.05.05883

**SWIFT** DNBANOKK

**IBAN** NO5376940505883

**ORG.NR.** NO 974 760 282

**SVALBARDKONTOR**

**TELEFON** +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om driftskonsesjon etter § 43 i lov om erverv og utvinning av mineralressursar (minerallova) frå Skånevikstrand Maskinstasjon AS datert 22.09.2014.

Søknaden med vedlegg er tilgjengeleg på DMFs heimeside: <http://www.dirmin.no> under «Saker til høring». Høyringsinstansane kan få tilsendt papirutgåve av søknaden ved førespurnad.

Høyringsfristen er fredag **18. august 2017**.

#### Søknaden

Lauareid næringsområde ligg mellom Stordalsvatnet og Åkrafjorden, nord for Lauareidtjørna og like aust for E 134.

Reguleringsplanen for Lauareid næringsområde vart vedteke av Etne kommunestyre 16.12.2014. Omsøkt område er ein del av reguleringsplanen for næringsområdet og er i planen regulert til steinbrot/masseuttak. Utdrevne og opparbeida areal i næringsområdet blir i dag nytta til produksjon av murestein som er tilkøyrte frå skiferbrotet på Øvernes.

Søknaden gjeld gbnr 55/1, 55/2 og 55/3 og eit areal på om lag 10,5 dekar. Totalt uttaksvolum er stipulert til 75 000 m<sup>3</sup> og forventa årleg uttak er inntil 10 000 m<sup>3</sup>. Området går fram av kart på side 5 i vedlegget til høring.

#### DMFs behandling av søknaden

Formålet med minerallova er å fremme og sikre samfunnsmessig forsvarleg forvaltning og bruk av mineralressursane i samsvar med prinsippet om berekraftig utvikling.

DMF er konsesjonsstyresmakt i saker med samla uttak av mineralførekomstar på meir enn 10 000 m<sup>3</sup> masse og for alle uttak av naturstein.

DMF sender søknadene, inkludert driftsplanar, på høring til aktuelle høyringsinstansar jf. forvaltningslova § 17. Dette vil normalt vere grunneigaren og andre kjende



rettshavarar, eigarar, drivarar og bebuarar og andre kjende rettshavarar på naboeigedommar som kan bli påverka, i tillegg til kommunen (kommunane), fylkeskommunen og statlege forvaltningsorgan.

Søkjaren får høve til å kommentere innkomne høyringsfråsegnar før DMF gjer vedtak.

Innkomne konsesjonssøknader blir underlagde ei skjønsmessig prøving hos DMF før vi avgjer om vi skal gi driftskonsesjon. Ved vurderinga av om vi skal gi driftskonsesjon, legg vi vekt på om søkjaren er «skikka» til å utvinne førekomsten, det vil seie om prosjektet verkar gjennomførleg økonomisk, om det er lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. Ved vurderinga av om vi skal gi driftskonsesjon, skal vi òg leggje vekt på:

- kva innverknad tiltaket vil ha på verdiskaping og næringsutvikling
- kva innverknad tiltaket eventuelt vil ha på naturgrunnet for samisk kultur, næringsliv og samfunnsliv
- kva innverknad tiltaket vil ha på omgivnadene og nærliggjande område under drifta
- kva konsekvensar ei utvinning vil ha for miljøet
- kva for planar som ligg føre for etterbruk eller tilbakeføring av området

Dersom DMF gir driftskonsesjon, er det normalt knytt vilkår til denne, jf. minerallova 43. Vilkåra omfattar blant anna krav om driftsplan, økonomisk garanti osv.

DMF gjer merksam på at ein driftskonsesjon gitt i medhald av minerallova ikkje erstattar krav om løyve, godkjenning, arealplan eller konsesjon etter anna lovgiving. Det er søkjaren som har ansvaret for å innhente slike løyve.

#### **Nærmare om høyringsfråsegnene**

Vi oppfordrar høyringsinstansane til å komme med grunngitte synspunkt på om DMF bør gi konsesjon eller ikkje, under dette komme med konkrete forslag til avbøtande tiltak og vilkår som bør stillast med tanke på det ansvarsområdet den aktuelle instansen er sett til å forvalte. Frå private partar ber vi òg om innspel dei reknar som relevante ut frå konkrete forhold i den aktuelle saka. Dersom høyringsinstansen er kjend med forhold som ikkje er tilstrekkeleg klarlagde i søknaden, ønskjer vi opplysningar om det.

Generelle kommentarar knytte til arealbruk i området skal ikkje vurderast ved ein søknad om driftskonsesjon. Dette er sikra gjennom plan- og bygningslova. Synspunkt knytte til kommunens allereie vedtekne arealdisponering (arealplan, reguleringsplan og eventuell dispensasjon frå reguleringsplan) vil vi derfor ikkje leggje særleg vekt på ved vurderinga.

Vi ber kommunen informere oss snarast mogleg om det finst særleg påverka partar som ikkje står på adresselista. I tillegg ber vi DMF ber kommunen spesielt vurdere om



driftsplanarealet er i samsvar med BSM-arealet i reguleringsplanen for Lauareid næringsområde.

DMF ber kommune og fylkesmann informere om tiltaket rører ved naturmangfald, medrekna eventuelle effektar og konsekvensar av påverknad, samt konkrete forslag til avbøtande tiltak og vilkår som bør vurderast.

DMF ber fylkeskommunen informere om det ligg føre kjente kulturminner som kan bli råka av uttaket, medrekna eventuelle effektar og konsekvensar av påverknad, samt konkrete forslag til avbøtande tiltak og vilkår som bør vurderast.

### **Innsending av høyringsfråsegner**

Vi ber om at høyringsfråsegna blir send innan fristen **18. august 2017**, på e-post til [mail@dirmin.no](mailto:mail@dirmin.no) eller ordinær post til: Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim.

Delar av høyringsfråsegner kan bli siterte i vedtaket om å gi konsesjon eller ikkje. Dersom fråsegna er omfattande, er det derfor ein fordel om det blir utarbeidd eit samandrag som kan brukast til dette.

For nærmare informasjon om minerallova med tilhøyrande forskrifter, sjå heimesia vår på [www.dirmin.no](http://www.dirmin.no).

Med helsing

Rita Øyen  
overingeniør

Børre Fiva  
senioringeniør

*Dokumentet er elektronisk signert og har difor ikkje handskrivne signaturar.*  
Sakshandsamar: Børre Fiva



Mottakarakar:

Etne kommune	Postboks 54	5591 ETNE
Fylkesmannen i Hordaland	Postboks 7310	5020 BERGEN
Hordaland fylkeskommune	Postboks 7900	5020 BERGEN
Statens vegvesen Region vest	Askedalen 4	6863 LEIKANGER
Statens vegvesen	Postboks 8142 Dep	0033 OSLO
Olav Samland	Frettevegen 69	5590 ETNE
Fredrik Samland	Frettevegen 69	5590 ETNE
Ragnfrid Samland	Åkrafjordvegen 2	5590 ETNE
Direktoratet for samfunnssikkerhet og beredskap	Postboks 2014	3103 TØNSBERG

Kopi til:

Omega Areal AS	Kvassanes	5582 ØLENSVÅG
Skånevikstrand	Ebne	5593 SKÅNEVIK
Maskinstasjon AS		